

中國方志叢書·華南地方·第二七六號

據

清·王粵麟修，曹維祺纂
清光緒十五年刊本

影印

貴州省

普安直隸廳志

(一)

成文出版社有限公司印行

晉安直隸廳志卷之十

食貨

經費

同知每年養廉七百兩俸薪銀八十兩門子一名皂隸十名民壯十五名轎傘夫七名斗級一名禁卒二名每名每歲各支工食銀六兩共支工食銀二百一十六兩教諭每年俸薪銀四十兩齋夫一名每歲支工食銀十二兩膳夫一名每歲支工食銀六兩六錢六分六釐門子一名歲支工食銀六兩馬草料銀六

兩照磨每年養廉銀六十兩俸薪銀三十一兩五錢
二分門子一名皂隸二名馬夫一名每歲每名各支
工食銀六兩共支工食銀二十四兩亦資孔巡檢每
年養廉俸薪與照磨同驛皂二名民壯四名每名每
歲各支工食銀六兩共支工食銀三十六兩

又文廟春秋祭祀每祭支銀四兩五錢先農壇祭祀
支銀四兩春牛花鞭每年支銀五兩貢生坊銀三兩
廩生膳銀一十五兩鋪夫四十四名每年四季工食
並米折共銀二百六十四兩七錢五分二釐

按各官春夏二季養廉各役工食以及春鞭祭祀
坊膳銀兩均係坐支地丁秋冬赴藩庫請領光緒
九年藩司沈應奎通飭各屬不准坐支統歸庫發
遊擊養廉銀四百兩俸薪銀一百五十九兩三錢四
分蔬菜燭炭銀三十六兩心紅紙張銀三十六兩例
馬六匹草乾銀七十五兩六錢守備養廉銀二百兩
俸薪銀六十六兩七錢零六釐蔬菜燭炭銀一十二
兩心紅紙張銀一十二兩例馬四匹草乾銀五十兩
零四錢千總養廉銀一百二十兩俸薪銀四十八兩

零八絲例馬二匹草乾銀二十五兩二錢把總養廉銀九十兩俸薪銀三十六兩例馬二匹草乾銀二十四兩二錢外委養廉銀一十八兩馬餉銀二十四兩騎馬一匹草乾銀一十二兩六錢

普安營原額馬步戰守兵丁五百零二名內馬戰兵三十三名

經制外委二名額
外委二名在內

每名歲支餉銀二十四

兩米三石六斗騎操馬三十三匹每匹歲支草乾銀一十二兩六錢

步戰兵二百零八名每名歲支餉銀一十八兩守兵

二百六十一名每名歲支餉銀一十二兩米三石六斗

按營兵自光緒六年以來節次奉文裁減馬步戰

兵撥歸練軍

詳見武備志


現存守兵一百八十七名每

年山秋糧米項下支發京石米

按大小建算

六百六十

一石九斗八升



晉安直隸廳志卷之十

食貨

積儲

原額常平倉穀二萬六千八百五十四石三斗七升
八合咸豐四年賊起頻歲防勦悉以供軍中食用同
治二年同知錢堦復城勸諭城鄉士民捐輸京石穀
五千石存積城倉又於大坡鋪逆產項下每年撥收
穀六十石八年苗逆巖大五圍攻廳城發新儲穀石
支軍食顆粒無存今惟逆產租穀六十石按年存倉

光緒十三年同知曹昌祺奉藩中丞霽檄委候補同知張本閭來廳會辦義穀四里六營共捐京石穀八千零九十一石七斗六升

本城社倉存儲京石穀一千石

北里社倉存儲京石穀一千八百五十二石三斗二升

南里社倉存儲京石穀六百七十一石四斗四升
平夷里社倉存儲京石穀二百一十八石七斗四升

樂民里社倉存儲京石穀三百八十五石四斗

狗場營社倉存儲京石穀一千二百五十一石零

三斗八升

歸順營社倉存儲京石穀九百四十六石八斗八升

簸箕營社倉存儲京石穀三百六十四石

希黑營社倉存儲京石穀七百石

普陌營社倉存儲京石穀四百零一石六斗

魯士營社倉存儲京石穀三百石

以上城鄉通共存儲京石穀八千零九十一石七斗六升

按承平時城倉儲穀二萬餘石不爲不多矣自遭喪亂出以佐軍公費私挪不留一粟辛酉壬戌迭值奇荒馴至八月之變四里六營相繼淪陷而普安遂爲虎狼窟穴向使倉廩充盈有恃無恐人心既固士氣自奮張淩翔雖狡悍安能遽得志哉維時殍骨滿目委地無收臭穢侵人蒸爲疫癘而逆回乘之老稚遊魂於溝壑丁壯畢命於戈矛廳民

劫運至斯而極痛定思痛不能無憾於當時司事者矣廳甫復錢伯雅司馬愴懷前轍亟諭捐輸故已已苗匪巖大五率眾萬餘人圍攻四十日卒保孤城轉危爲安城全而四境均免於難非司馬未雨綢繆則同治元年之禍將復見於茲也上年舉行社倉瘠苦如普安乃捐及八千石蓋不遺餘力矣邇來世變無常水旱疊告幸儲蓄之稍裕宜慎守以勿疎倉中多存一石糧可救凶年二命緩急有備宵小不敢生心非惟免飢餒之憂兼可避兵

焚之患則存倉穀即大眾之續命湯辟兵符也粒粒成玉顆顆皆珠吾知仁人君子必珍之寶之愛惜而護持之而斷斷不肯輕視也果能公正便是陰功異日飢民胥蒙其福蒼蒼者亦必錫之福報以獎其公正之行並代飢民酬監守之勞何必散財濟人而後爲陰功哉倘有劣紳豪團恃勢侵吞快一己之欲不顧他人性命所得者有盡所枉害者無窮暗中造孽罪較殺人尤重彼劣紳豪團豈獨無天良乎意於飢民男呻女吟之聲愁苦淒慘

之狀目未之見耳未之聞故忍心爲之耳苟一思
及凶歲情形當有食不下咽者雖舉社倉與之亦
將逡巡而不忍受也貪念一萌天良盡昧小民愚
懦無敢與爭賢有司猶將執三尺法以相責問向
所侵吞耗於浪費勢且毀其家業逾數相償刑責
幽囚有同盜犯身名俱敗鄰里交譏吁可畏也縱
能欺蔽長官倖逃法網而究不能欺鬼神遠報在
兒孫近報在自己冥冥中自有主張蕭瑀所謂地
獄之設恐不能爲斯人恕矣從來不義之物適以

焚身天道好還理無久享而況奪貧民養命之源
有不煙消灰滅者豈理也哉至於柔弱畏事之徒
長厚有餘剛直不足往往明知人之侵吞而隱忍
不問與徇人之求請而濫借無還均足爲飢民之
害以財未入己之條例之實有難置身事外者正
不得謂人濁己清遂可告無罪也有管理社倉之
責者幸深味吾言毋昧昧然而不顧其後則善矣

晉安直隸廳志卷之

食貨

物產

穀之屬有稻有粱有黍有菽有麥有大麥有小麥燕
麥菽有苦菽甜菽之類有豌豆有扁豆角豆有粳有稗
有苞穀苞而生如粱雖山巔可植不滋水而生穀中
有糯糯蓋稊屬苗中搏爲飯哺焉有蹲鴟即芋

蔬之屬有韭有薤有菘

菘即白菜

有薑有芥有蒜有茄有

芹有菠有蒿苳

果之屬有梅有桃緋桃無實有李有杏有橘有榛有
栗有柿有梨有蜜羅柑有佛手佛手蓋櫟類有緣有
白菓白菓花不易見其花時多在子丑寅三時雲然
有光有楊梅有葡萄有胡桃有橄欖有枇杷有龍瓜
有木瓜有林禽有花紅有安石榴有郁李按白果樂民所尤多
金石之類有銅有鐵有鉛有丹砂水銀雄黃硫磺
木之屬有松有柏有枌有梓有椿有楸有杉有桐有
櫻有元椎有柳有槐有白楊有土檀

竹之屬有金竹有紫竹有南竹有茨竹有滑竹有櫻